



Inatsisartunut Ilaasortaq  
Agathe Fontain

**Aningaasanik peqquserluutinik malunnarunnaarsaasarneq aamma  
akileraarnaveersaasarneq pillugit § 37 naapertorlugu apeqqut nr. 2022-135-mut  
akissut**

20-07-2022

Sags nr. 2022-14158  
Dok. nr. 20575167

Asasara Agathe Fontain

Postboks 1605  
3900 Nuuk

Tlf. (+299) 34 65 00

Fax (+299) 32 20 42

E-mail: [tax@nаноq.gl](mailto:tax@nаноq.gl)

[www.aka.gl](http://www.aka.gl)

[www.naalakkersuisut.gl](http://www.naalakkersuisut.gl)

Inatsisartut suleriaasiat § 37, imm. 1, naapertorlugu, Naalakkersuisunut aningaasanik peqquserluutinik malunnarunnaarsaasarneq aamma akileraarnaveersaasarneq pillugit apeqquteqarputit. Apeqqutitit uannut akisassanngortinneqarput. Akissutinut tunngatillugu Digitalimik Sullissinermut Aqutsisoqarfimmit aamma Nunanut Allanut Naalakkersuisoqarfimmit, Inuussutissarsiornermut Niuernermullu Naalakkersuisoqarfimmit paasissutissanik pissarsiniartoqarpoq.

Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Inatsisartut inatsisaat nr. 5, 19. maj 2010-meersoq naapertorlugu aningaasanik peqquserluutinik malunnarunnaarsaasarneq ima paasineqassaaq:

- 1) aningaasatigut pissarsianik pineqaatissiissutaasinnaasutut inatsimmik unioqqutitsinikkut pissarsiarineqarsimasunik pissutissaqarani tigusineq allanulluunniit tunniussineq,
- 2) aningaasatigut pissarsianik pineqaatissiissutaasinnaasutut inatsimmik unioqqutitsinikkut pissarsiarineqarsimasunik pissutissaqarani toqqorsineq, paarisqaarneq, assartuineq, tunniussinermi ikiuunneq imaluunniit allatut iliuuseqarnikkut tamatuma kingornatigut isumannaarinnineq, imaluunniit
- 3) taamatut iliuuseqarniarneq imaluunniit taamatut iliuuseqarniarnermut peqataaneq.

Akilerarnaveersaasarneq ima paasineqarsinnaavoq, soorlu isertitani nalunaarsornagit, uppersaatit eqqunngitsut atorlugit assigisaaluunniit atorlugit inatsisinik unioqqutitsisumik akileraarutinik akiliinaveersaasarneq.

Taamaammat malunnarunnaarsaasarneq aamma akileraarnaveersaasarneq assigiinngissuteqartut maluginiarneqartariaqarpoq.

**1. Nalunnaarsueqatigiinerit sorliit, pitsaanik imminnut  
suleqatigiilluarsinnaaneruppat, aningaasanik ersertortumik  
pissarsianik, akileraarnaveersaarutinillu paasisaqarneriarnermi?**

Akissut:

Aallaaviatigut nalunaarsuiffiit arlallit ataatsikkut aqutugalugit paasissutissanik misissuineq pinerlunnernik paasineqarsinnaanissamut periarfissiinerusarpoq. Ullumi nalunaarsuiffiit arlallit ataatsikkut atorlugit toqqaannartumik nakkutiginninneq imaaliillaannaq pisanngilaq. Tamatumani inuit pillugit paasissutissanik suliarinninnermut inatsiseqarmat, paasissutissanik katersineq erseqqissumik aamma tunngavilersorluakkamik siunertaqartussaasoq, tamatumalu kingorna suliarinninneq tamatumunnga naapertuuttussaalluni.

Nalunaarsuutini inuit paasissutissai akileraartarnermik nakkutiginninnerup avataatigut siunertaqartunik ataatsimoortitsiniaraanni, § 45, imm. 1 nr. 4, inuit pillugit paasissutissanut tunngatillugu peqqussut naapertorlugu, ataatsimoortitsisoqannginnerani Danmarkimi Datatilsynimit oqaaseqaammik pissarsisoqqaartariaqarpoq. Datatilsynip ataatsimoortitsiniarneq peqqussut naapertorlugu ingerlanersoq nalilissavaa.

Akileraartarnermut Aqutsisoqarfik aamma allanut nakkutiginnittartunut pigisat nalillit assigiinngitsunut nalunaarsukkanik sukumiisumik pissarsisinnaanissaq soqutiginarsinnaavoq, pigisallu nalillit taamaattut pillugit paasissutissat akileraartarnermik nakkutiginninnermut aamma malunnarunnaarsaasarnermut atatillugu atussallugit soqutiginarpoq.

Nalunaarsuutini pilersitsinermit aamma ingerlatsinermit aningaasartuutini atatillugu naapertuussinnaavoq, nalunaarsuutit nutaat nalunaarsuutaareersunik ataatsimoortitsinermit pilersinneqartut aamma nalinginnaasumik inuiaqatigiinnut tunngasunik siunertaqassasut. Assersuutigalugu angallatinik soorlu umiatsianik aamma umiatsiaaqqanik il.il nalunaarsuiffik angallatit amerlassusaannik paasiniaanermi taamatullu imaani annaassiniartarnermit iluaqutaasinnaavoq. Nalunaarsuiffilli aamma taamaattoq soorlu angallat nuannaariartaammik piginninnermut paasissutissanik ataatsimoortitsinermit atorneqarsinnaavoq taamatullu unioqqutitsilluni isertitaqarnerit suminngaanneereri paasineqarsinnaassallutik.

Malunnarunnaarsaasarnernup ikiaroorartunik tuniniaanermi imaluunniit akileraarnaveersaarnermi aningaasat pissarsiat aningaasat imaluunniit pigisat nalillit pinerlunnerunngitsunut akuulersinneqarnissat siunertarigaa ilisimaneqarnerusariaqarpoq. Taamaammat pisortat malunnarunnaarsaasarneq pinaveersaartinniarnernani nalunaarsorigaannaat soqutiginanngillat. Tamatumani aamma inuiaqatigiinni aningaasat ingerlaarneri imaluunniit pigisanik pisinerit aamma tunisinerit attuumassuteqarput. Aningaasat ingerlaarnerinut tunngatillugu aningaaserivinni ikisisarnerit aamma tiguisarnerit nalinginnaasumik isiginiarneqarnerusarput. Pigisanut tunngatillugu kikkut pappiliat nalilinnik, illuutiniq, biiliniq, umianik, eqqumiitsulianik il.il. nalituunik nooriaannanillu pissarsinersut imaluunniit piginnittuunersut paasissallugit soorunami soqutiginarpoq.

Ullumi suliaqarfiit arlallit sullitat pillugit arlalinnik ilisimasaqarnissamut piunasaqaateqarfigineqarput, tamatumani kalaallit imaluunniit qallunaat aningaasanik peqquserluutiniq malunnarunnaarsaasarnermut allattoqarfiinut pasillinnermi nalunaaruteqartussaataitaallutik. Assersuutigalugu sullitat aningaasanik anngiortumik imaluunniit pasillernartumik kontuminnut ikisippata, banki aningaasanik peqquserluutiniq malunnarunnaarsaasarnermut allattoqarfimmuut nalunaaruteqassaaq. Nalunaarutiginnin-

nerit taakku sullitamut ilisimatitsissutigineqassanngillat aamma tamatumani allagaatinik takunnissinnaatitaaneq atuunnani.

Ullumi Akileraartarnermut Aqutsisoqarfiup innutaasut akileraartarnermut inissisimaffiinik qarasaasiakkut takusinnaavai. Paasissutissani piginnittut aningaaserivinni uninnngasuutai, pappiliat nalillit ilai, qamutit motoorillit il.il. ilaapput. Maannali Aqutsisoqarfiup Kalaallit Nunaanni imaluunniit avataani pigisanik aalaakkaasunik, Danmarki aamma Kalaallit Nunaata avataani pappiliat nalilinnik, Kalaallit Nunaani imaani angallatinik, eqqumiitsulianik il.il. qarasaasiakkut takusinnaanngilai. Taamatut paasissutissanik pissarsisinnaaneq malunnarunnaarsaasarnermik aamma akileraarnaveersaarnermik pinaveersaartitsinermut iluaqutaasinnaavoq. Nalunaarsuiffik ataatsimut paasissutissanik piginnittoq malittarisassat, tamatumunnga ilanngullugit innunat paasissutissat illersorneqarnerat pillugit aamma paasissutissanik paarlaateqatigiinneq pillugu nunat akornanni malittarisassat naapertorlugit nalunaarsuiffimmik pissarsisinaanissamut akuersisussaavoq.

Ullumi Kalaallit Nunaanni pigisat aalaakkaasunut, Kalaallit Nunaanni umiatsianut, eqqumiitsulianut il.il. piginnittunik qarasaasiakkut nalunaarsuiveqanngilaq. Taamaattumillii nalunaarsuiveqarneq malunnarunnaarsaasarnermut aamma akileraarnaveersaarnermut pinaveersaartitsinermik iluaqutaasinnaagaluarput.

Malunnarunnaarsaasarnermut aamma akileraarnaveersaarnermut pinaveersaartitsinermi sakkussaq pingaaruteqartoq tassaavoq Kalaallit Nunaata avataani aningaasaqarnikkut paasissutissanik tigusaqarsinnaaneq, malunnarunnaarsaasarnermi aamma akileraarnaveersaarneq nunat akornanni pisinnaammata. Ukiut kingullernili nunat akornanni suleqatigiinneq annertuumik siuariartorpoq, Akileraartarnermullu Aqutsisoqarfik nunat allat aamma nunani allani aaqqissuussaanerit paasissutissanik akileraartarnermi nakkutiginninnermut attuumassutilinnik paarlaateqatigiinnissamut oqaloqatiginnittarluni. Tamatumani suliaq nunat akornanni akileraartarnermi suleqatigiinneq OECD suleqatigalugu aaqqissorneqarpoq.

Tamatuma saniatigut ilisimatitsissutaasinnaavoq, juni 2022-mi Danmarkimi Erhvervsstyrelse Nuummi malunnarunnaarsaasarneq pillugu isumasioqatigiissitsivoq. Isumasioqatigiinnermi nunatta soqutigisaqatigiivi malunnarunnaarsaasarnermik nakkutiginninnermut aamma nalunaarutiginninnermut malittarisassat pillugit ilisimasanik aamma misilittakkanik agguaaffineqarput. Isumasioqatigiinnermi peqataasut ilai tassaapput inatsisilerituut, kukkunersuisartut, aningaaseriviit kiisalu pisortat.

## **2. Periarfissaasinnaava, akissarsiat tamarmik, akiligassallu tamarmik aningaaserivikkut akilernerqartarnissaat?**

Akissut:

Ilisimaneqareerpoq, inatsisi naapertorlugu aningaasarsiornerup saniatigut aamma aningaasanik isertortumik kaaviiartoqartoq, taakkulu akileraarusernani aningaasaliinernut, nioqqutinut aamma kiffartuussinernut, tamatumani ilai inatsisitigut unioqqutitsisumik atornerqartarlutik. Nunatsinni imaluunniit nunani allani Isertortumik aningaasaqarnermik pisortatigut paasissutissanik peqartoqanngilaq. Qanga EU-p misissuineri EU-p nunaani isertortumik aningaasaqarneq naalagaaffinni tunisat

ataatsimut nalingisa 8,2 aamma 30,6 procent akornaniittoq ersersippaa, tamannalu agguaqatigiissillugu 18,3 procentiuvoq<sup>1</sup>. Taamaammallu aningaasarpaaluit pineqarput. Nunatsinni aamma tamanna allaanerussuteqarpasinngilaq. Inuiaqatigiinni aningaasannguisarneq annikillisarneratigut imaluunniit atorunnaarsinneratigut akileraarnaveersarneq aamma malunnarunnaarsaasarneq ajornarnerulersissavai, taamaasiornikkullu isertortumik aningaasarsiorneq annikillisarlugu. Naatsorsuutigineqartariaqarporli, taama pisoqarnerani pinerlunniat periarfissanik allanik ujartuissasut. Assersuutigalugu assigiinngitsunik qarasaasiakkut aningaasartaqarpoq (soorlu bitcoin), taakkulu inerteqqutinngortinnissaat ajornarsinnaavoq aamma ilaatigut aningaasanik isertuussanik kaaviiartitsiffiusinnaalluni.

Taamaammat teknikimut tunngasunik aamma inatsisitigut suliniutit nammineq isummat atorlugit suliniutinik ilapittorlugit isertortumik aningaasaqarnerup killilersornissaa pisariaqarpoq. Inuiaqatigiit ataatsimoorsinnaanerat aamma atugarissaarnerat ataatiinnarneqassappata, kikkut tamarmik eqqissisimasumik atugarissaarnitsinnut ilapittuisariaqarput aamma ataatsimoornitsinnut agguagaqannginnermut pillagaanissartik tunngaviginagu.

Teknikikut imaluunniit inatsisitigut tunngatillugu, akissarsititsinerit aamma akiliinerit aningaaseriviit aqutugalugit pisarnissai qulakkiissallugu pitsaarpasippoq, ullumilu tamanna atuutereerluni.

Ullumi inatsisit naapertorlugit aningaasaqarnermi akissarsititsinerit amerlanersai aamma pisortatigut akiligassanik akiliisarnerit aningaaseriviit aqutugalugit ingerlareerput. Assersuutigalugu Namminersorlutik Oqartussat ukiorpaalunni aningaasanngorlugit akissarsititsinngilaq. Soorlu kommunit aamma amerlanertigut akissarsititsinermi aningaasanngorlugit tunniussissaarput. 2022 ingerlanerani naatsorsuutaavoq pisortat akissarsititsinermi aamma akiligassiinermi NemKonto atornerulissagaat. Taamaasiornikkut pisortat aningaasanngorlugit akissarsititsisarneri aamma akiligassanik akiliisitsisarneri sinneruttut ikilisinnerussavai.

Namminersortut akornanni aningaasanngorlugit akissarsititsisarnerit qanoq amerlatiginersut nalunaarsuisoqanngilaq. Sulisitsisulli akileraartarnermi pisortanut akissarsiat aningaasanngorlugilluunniit imaluunniit aningaaserivikkut nuullugilluunniit apeqqaataatinnagu A-tut nalunaarsortartussaavai aamma naatsorsortartussaallugit.

Ullumi inuussutissarsiortut nioqqutinik aamma kiffartuussinernik aningaasanngorlugit akiliisitsisarnerinut annertussusai killeqarput. Akiliineq ataatsikkooraluartoq imaluunniit avillugu akiliinerugaluartoq aamma attuumassuteqarpalukkaluarpalluunniit imaluunniit attuumassuteqaraluarpataluunniit maanna killigititaq 50.000 kr.-miippoq. Danmarkimut sanilliukkaanni, killigititaq 20.000 kr.-miippoq. Taamaammat nunatsinni killigititaq aamma annikillineqarnissaa eqqarsaatigineqarsinnaavoq. Taamatut aalajangiinermi qarasaasiakkut akiliisinnaaneq atorluarsinnaasoq aamma tamatumani atortut soorlu NemId aamma MitId nunarput tamakkerlugu periarfissaasariaqarput.

<sup>1</sup> [https://ec.europa.eu/info/sites/default/files/file\\_import/european-semester\\_thematic-factsheet\\_undeclared-work\\_da.pdf](https://ec.europa.eu/info/sites/default/files/file_import/european-semester_thematic-factsheet_undeclared-work_da.pdf)



Ullumi inuinnaat akornanni niuernerq inuussutissarsionertut isigineqanngitsumi, soorlu biiliniq, umiatsianik aamma snescooterinik il.il. aningaasanngorlugit ilisimaneqanngitsumik ingerlavoq. Ullumi inuinnaat akornanni aningaasanngorlugit niuernermut inatsisitigut killiliussaqaanngilaq, taamaammallu tamatumani naatsorsuinerataqarnani. Qularnangilarli inuinnaat akornanni assersuutigalugu umianik akisuunik il.il. aningaasat peqquserluutit aningaasanngorlugit niuertoqartartoq. Taamaammat inuinnaat akornanni aningaasanngorlugit niuernermi aningaasat amerlassusai naapertorlugit inerteqqusiinissaq eqqarsaatigineqarsinnaavoq. Taama inatsisiliorneq Akiliinermi inatsimmut imaluunniit Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit inatsimmut ilanngunneqartussaasariaqassaaq. Taakkunani folketingip inatsisai Kalaallit Nunaanni aamma Danmarkimi atuuttut pineqarput. Inatsit tamanna akuerineqarneranut atatillugu qanoq tamanna nakkutigineqassanersoq aamma atuutsinneqassanersoq eqqarsaatigisariaqassaaq.

Innutaasut ilaannut aningaasanik annikitsunik inuinnartut niuernermi uppersaasiisoqarnissaa ingasassagunarpoq. Taamatut piumasaqaateqarneq assersuutigalugu nunatsinni kalaalimineerniarfinnut atuutissanersoq eqqarsaatigineqarsinnaavoq, tamatumanimi piffiit ilaanni aningaasanngorlugit karsi atorlugu pisarmata.

### **3. Qanoq iliornikkut pisariinnerusumik pasitsaasat isertorusutat paasisaqarfiginissaat?**

Ullumi taamatut iliornerit nalunaarutiginnissaannut arlalinnik periarfissartaqarpoq, kisiannili tamatuminnga periarfissanik ersaritsitsineruneq aamma ilisimasaqartitsineruneq pitsaanerusinnaasoq.

Ullumi suliaqarfii arlalinni soorlu aningaaserivinni, illunik tuniniaasartuni, inatsisilerituuni il.il. aningaasanik malunnarunnaarsaasarnermik pasilliinermut nalunaarutiginninnissamut periarfissartaqaannanngilaq, aammali aningaasanik malunnarunnaarsaasarnermik pasilliinermi nalunaarutiginnittussaataqarpoq. Nalunaarutiginninnerit taakku pisortanit nakkutigineqartarput aamma pineqaatissinneqartarlutik. Aningaasaqarnikkut ingerlatsisut, inatsisilerituut aamma kukkunerisuiartut kiisalu aningaasanoortitsisartut qallunaat pisortaasa soorlu Finanstilsynet, Advokatrådet, Erhvervsstyrelsen aamma Spilmyndigheden ataanni nakkutigineqarput. Illunik tuniniaasartut, pappiaqqanik aningaasanik nalilinnik nioqquteqartarput aamma attartortitsinernut aningaasalersuisartut Kalaallit Nunaanni Akileraartarnermut Aqutsisoqarfiup ataani nakkutigineqarput.

Finanstilsynet aningaasanik ingerlatsisuni atorfillit immikkut ittumik whistleblowerinut aaqqissuussaliorput, tamatumani aningaasaqarnikkut inatsisitigut unioqqutitsinermik nalunaarutiginninnissamut periarfissiisoqarluni.

Inuit aningaasanik ingerlatsinermi atorfeqanngitsut kisiannili tamatuminnga ingerlatsinermik unioqqutitsinermut pasilliinermi ilisimasaqartut, Finanstilsynet attaviginissanut periarfissaqarput. Aningaasanik ingerlatsisut tamarmik aamma whistleblowerimik aaqqissuussaqartussaataapput.

Tungavitsigut aamma Namminersolutik Oqartussanut imaluunniit pisortat ingerlatseqatigiiffiisa whistleblowerit aaqqissuussaannut aningaasanik malunnarunnaarsaasarnermik imaluunniit akileraarnaveersaarnermik nalunaaruteqartoqarsinnaavoq. Taakku aaqqissuussanik ilisimasaqarneq siammarterneqarsinnaavoq.

Tamatuma saniatigut Akileraartarnermut Aqutsisoqarfik akileraarnaveersaarnernik il.il. nalunaarutiginniffiqeqartalereerpoq. Nalunaarutiginninnerit sulisitsisut biiliinik atuinermut, aningaasat kaaviiartitanik allattunnginnermut, pisanik allagartaliinnginnermut, aannqajaarniutinillu tuniniaanermi nakkutiginninnernut aamma paasissutissanut tunngassuteqarput.

Nalunaarutiginninnerit ilai nakkutigalugit aamma qisuariafigalugit pisariittarput, kisiannili aamma nakkutiginninnermi suliat Akileraartarnermut Aqutsisoqarfiup piginnaasaanik aamma sakkusnaanik piumasaqaateqarnerusunik takkuttuarput. Tamatuma saniatigut nalunaarutiginninnerit nalunaarsorneqarpiartannginnerat pissutigalugu, tamanna misissornissanut pisariusorujuvoq.

Tamatumunnga aamma atatillugu aqutsisoqarfimmuut pisortanulluunniit allanut unnerluutigineqartoq imaluunniit unnerluutigineqartut inatsisitigut illersugaatitaanerat qulakkeerneqartussaavoq.

Aningaasanik malunnarunnaarsaasarnermut, tamatumunnga ilanngullugu akitsuutininik nakkutiginninnermut suliamik qaffasinnerulersitsinissaq, Akileraartarnermut Aqutsisoqarfiup nakkutiginninnermi suliaqarfiata sakkusnaanik pitsanngorsaanaissaq pisariaqassaaq. Taamaasiornikkut Akileraartarnermut Aqutsisoqarfik paasissutissanik ullumi pissarsiarineqarsinnaasunik atuinernissamut periarfissinneqassavoq, taamatullu innuttaasuni aamma ingerlatseqatigiiffinni inuiaqatigiit malittarisassannik malinninngitsut ersiutaannik paasisaqarsinnaaneq aamma tamatumani nakkutiginninneq qaffasinnerulersillugit. Taamatut qaffasinnerusumik suliniuteqarneq isertitaqarneruneg tunngavigalugu pitsaassusilerneqarsinnaassanngilaq, kisiannili nakkutiginninnerunermik pitsanngorsaassaaq taamatullu inuiaqatigiit inatsisitigut illersugaatitaanerat qaffasinnerulersillugu.

Inussiarnersumik inuulluaqqusillunga

  
Naaja H. Nathanielsen